

Մեռած րոպէին եթէ ննջեցեալի բերանը և աչքերը բաց են, գոցում են, ձեռները կրծքին խաչում և բերանին մաքուր կտաւի մէջ փաթաթած նշխար դնում, իսկ եթէ հասակաւոր է, ձեռքին համրիչ են տալիս: Այնուհետև հրաւիրում են քահանային, որ «Հոգւոց» ասի: Քահանան հոգոցն ասելուց յետոյ պատանը — «սհան» տալիս է մի կնոջ կամ հարսի կարելու, իսկ երկու հոգի կրակով ջուր են տաքացնում, որը քահանան օրհնում է և ապա ննջեցեալին դնում են մի ախտակի վրայ՝ երեսը դէպի արևելք դարձրած և լողացնում են օրհնած ջրով: Լողացնողը կամ կին է լինում կամ տղամարդ՝ նախ՛ թէ հանգուցեալը որ սեռին է պատկանում: Իրանից յետոյ սանդրում են ննջեցեալի գլխի, բխի և մօրուսի մազերը. կտրում ձեռների և ոտների եղունգները և մի զոյգ գուլպայ հագցնում ոտներին, ապա պտտած քում և դազաղի մէջ գնելով տանում են եկեղեցի, ուր ննջեցեալին առնւազն մի գիշեր պահում են: Առաւօտեան պատարագ են անում. այդ ժամանակ վառում են մօտ 20—30 մմ: ժամից յետոյ չորս հոգի դազաղը ձեռներին բռնած կամ ուսերին դրած, իսկ եթէ փոքր է, միայն մի մարդ առած ձեռքերի վրայ, տանում են դէպի գերեզմանատուն: Յուզարկաւորները շուտ-շուտ փոխարինում են այդ չորս մարդկանց, որպէսզի թէ ննջեցեալին պարտքերնին կատարած լինեն և թէ տանուլները չյոգնեն: Կանայք գերեզմանատուն չեն գնում, այլ կէս ճանապարհի վրայ կանգնում և վերջին անգամ լաց լինելուց յետոյ ձեռները ջրով լւանում և վերադառնում են ննջեցեալի տունն ու սպասում տղամարդկանց վերադարձին: Իսկ յուզարկաւորող տղամարդիկ մեռելին վերցնելով տանում են դէպի գերեզմանատուն: Կէս ճանապարհին վայր գնում, կարգ կատարում և ապա կրկին վերցնում և տանում, դնում են գերեզմանի աջ կողմը:

Յուզարկաւորութեան միջոցին ամենից առաջ գնում է ժամկոչը բօւրվառը ձեռին, սրան հետևում են քահանայ, շուրջառը վրան, և մի կամ երկու տիրացու, և յետոյ ար-